

(麻) 煩帶我回家100%真人真事

作者: _

Powered by [紙言](#)

現在的我

26歲相信好多人經過呢個年紀，都開始明白或知道自己想要啲咩，有人會開始為左自己既事業打拼，有人可能會想完成自己既夢想，有人會為左自己既家庭，但係我。。。。我都無。有時我更加唔明白自己為左啲咩生存，點解我要生活係呢個貌似冷漠，怒火滿地，機械化既城市？我有諗過去死，想逃避，但係當我諗起我既父母，真心既兄弟，同我重未到既人生位置，我就放棄左呢個諗法，或者咁講，我既生存就係為左搵點解我要生存，可能呢個先係我既人生意義。

(現在)

係2019年既3月我行返出嚟，體驗到真正自由既味道，可能你會問點解會係自由既味道，係呀！！無錯，我係去左坐監，嚴格啲嚟講都唔算係坐監，我只係去咗一個年嘅戒毒所，由2014開始我就開始吸食大麻，講到大麻我係其中一篇會講關於大麻對我既影響同食大麻既經驗，(千祈唔好誤會，我並唔係鼓吹人食毒品，吸毒係會影響前途同身體，唔好亂試)，講返轉頭當我行出左呢間介毒所之後，第一件事我就係食一間我好鐘意食既麵店，叫左一個車仔麵，入面有牛筋、牛丸、豆卜、牛柏葉同一個粗麵，當我用筷子夾起嗰條柔軟而且仲要係啫喱狀嘅牛筋，心情入面嘅感覺簡直用文字係難以形容，戒毒所入面唔係冇啖好食，但係一個簡單嘅麥當勞餐，都已經成為入邊最寶貴嘅美食，所以我真係有啲忍唔住喊咗起嚟咁濟，可能你會覺得我好誇張，但係你未體驗過你係永遠都唔會明白我嗰一刻嘅感受，食完個面就坐的士返屋企，因為拖住個噏關係，所以我選擇左的士，返到屋企呀媽就已經坐咗喺度等我返屋企，佢好窩心咁問我肚唔肚餓呀有冇嘢想食呀之類既說話，仲話要幫我去買一張新嘅床，將我本來馴個細房執清佢，換一間大房比我，其實我嗰下真係好開心同好感動，但萬萬都估唔到當我過完咗個感化期之後，我又再次重滔覆轍最後仲畀人趕埋出門口，講到呢度好多人都一定會話我抵死好搵白痴，有個咁錫自己嘅老母真係三生有幸，好可惜我真係一啲都唔識去珍惜，係呢個第一個章節入面我已經講咗我而家嘅現狀係點樣，之後我就會逐一解釋係呢個人生中，我係點樣學識食大麻呢樣嘢，同講一啲我人生嘅轉列點。

89Tang